



唐李杜詩集卷之十二

杜集

七言古詩

紀行

徒步歸行

明公壯年值時危
經濟實藉英雄姿
國之社稷今若是
武定禍亂非公誰
鳳翔千官且飽飯
衣馬不復能輕肥
青袍朝士最困者
白頭拾遺徒步歸
人生交契無老少
論交何必先同調
妻子山中哭
向天須公捩上追風驃

發閬中

前有毒蛇後猛虎
溪行盡日無村塢
江風蕭蕭雲拂地
山木慘慘天欲雨
女病妻憂歸意速
秋花錦石誰復數
別家三月一得書
避地何時免愁苦

發劉郎浦

挂帆早發劉郎浦疾風颯颯昏亭午舟中無日不沙塵岸
上空村盡豺虎十日北風風未回客行歲晚尤相催白頭
厭伴漁人宿黃帽青鞋歸去來

述懷

釋悶

四海十年不解兵犬戎也復臨咸京失道非關出襄野揚
鞭忽是過湖城豺狼塞路人斷絕烽火照夜屍縱橫天子
亦應厭奔走羣公固合思升平但恐誅求不改轍聞道嬖
孽能全生江邊老翁錯料事眼暗不見風塵清

疾病

病後過王倚飲歌

麟角鳳觜世莫識煎膠續弦奇自見尚看王生抱此懷在
於甫也何由羨且遇王生慰疇昔素知賤子甘貧賤酷見
凍餒不足恥多病沈年苦無健王生恠我顏色惡答云伏
枕艱難遍瘡瘍三秋孰可忍寒熱百日相交戰頭白眼暗
坐有胝肉黃皮皺命如綫惟生哀我未平復為我力致美
餽膳遣人向市賒香粳喚婦出房親自饌長安冬菹酸且
綠金城土酥淨如練兼求畜豕且割鮮密沽斗酒諧終宴
故人情味晚誰似令我手脚輕欲旋老馬為駒總不虛當
時得意况深眷但使殘年飽喫飯只願無事長相見

醉為馬墜諸公携酒相看

甫也諸侯老賓客罷酒酣歌拓金戟騎馬忽憶少年時散
蹄迸落瞿塘石白帝城門水雲外低身直下八千尺粉堞

電轉紫遊韁東得平岡出天壁江村野堂爭入眼垂鞭鞞
鞞凌紫陌向來皓首驚萬人自倚紅顏能騎射安知決臆
追風足朱汗驂驪猶噴玉不虞一蹶終損傷人生決意多
所辱職當憂戚伏衾枕况乃遲暮加煩促朋知來問腆我
顏杖藜強起依僮僕語盡還成開口笑提携別掃清谿曲
酒肉如山又一時初筵哀絲動豪竹共指西日不相貸喧
呼且覆杯中渌何必走馬來為問君不見嵇康養生被殺
戮

懷古

憶昔二首

憶昔先皇巡朔方千乘萬騎入咸陽陰山驕子汗血馬長
驅東胡胡走藏鄴城反覆不足恠關中小兒壞紀綱張后

不樂上為忙至今今上猶撥亂勞心焦思補四方我昔近
侍叨奉引出兵整肅不可當為留猛士守未央政使岐雍
防西羌犬戎直來坐御牀百官跣足隨天王願見北地傅
介子老儒不用尚書郎

憶昔開元全盛日小邑猶藏萬家室稻米流脂粟米白公
私倉廩俱豐實九州道路無豺虎遠行不勞吉日出齊紈
魯縞車班班男耕女桑不相失宮中聖人奏雲門天下朋
友皆膠漆百餘年間未災變叔孫禮樂蕭何律豈聞一絹
直萬錢有田種穀今流血洛陽宮殿燒焚盡宗廟新除狐
兔穴傷心不忍問耆舊復恐初從亂離說小臣魯鈍無所
能朝廷記識蒙祿秩周宣中興望我皇灑血江漢長衰疾

古跡

石筭行

君不見益州城西門陌上石筭雙高蹲
古老相傳是海眼
苔蘚蝕盡波濤痕
雨多往往得瑟瑟
此事恍惚難明論
恐是昔時卿相墓
立石爲表今仍存
惜哉俗態好蒙蔽
亦如小臣媚至尊
政化錯迕失大體
坐看傾危受厚恩
嗟爾石筭擅虛名
後來未識猶駿奔
安得壯士擲天外
使人不疑見本根

石犀行

君不見秦時蜀太守刻石立作三犀牛
自古雖有厭勝法
天生江水向東流
蜀人矜誇一千載
泛溢不近張儀樓
今年灌口損戶口
此事或恐爲神羞
終藉隄防出衆力
高擁木石當清秋
先王作法皆正道
詭恠何得參人謀
嗟爾三犀不經濟
缺訛只與長川逝
但見元氣常調和
自免洪濤恣凋瘵
安得壯士提天綱
再平水土犀奔茫

時事

兵車行

車鞞駘馬蕭蕭
行人弓箭各在腰
爺孃妻子走相送
塵埃不見咸陽橋
牽衣頓足攔道哭
哭聲直上干雲霄
道傍過者問行人
行人但云點行頻
或從十五北防河
便至四十西營田
去時里正一里之正也與裏頭
歸來頭白還戍邊
庭流血成海水
武皇開邊意未已
君不聞漢家山東二百州
千村萬落生荆杞
縱有健婦把鋤犁
禾生隴畝無東西
况復秦兵耐苦戰
被驅不異犬與鷄
長者雖有問
役夫敢伸恨
且如今年冬
未休關西卒
縣官急索租
租稅從何出
信

知生男惡反是生女好生女猶得嫁比隣生男埋沒隨百草君不見青海頭古來白骨無人收新鬼煩冤舊鬼哭天陰雨濕聲啾啾

悲陳陶

孟冬十郡良家子血作陳陶澤中水野曠天清無戰聲四萬義軍同日死群胡歸來血洗箭仍唱胡歌飲都市都人回面向北啼日夜更望官軍至

悲青坂

我軍青坂在東門天寒飲馬太白窟黃頭奚兒日向西數騎彎弓敢馳突山雪河冰野蕭瑟青是烽煙白是骨焉得附書與我軍恐待明年莫倉卒

洗兵馬

中興諸將收山東捷書夜報清晝同河廣傳聞一葦過胡兒命在破竹中祗殘鄴城不日得獨任朔方無限功京師皆騎汗血馬回紇饑肉蒲萄宮唐蒲萄園中官嘗宴近臣之地已喜皇威青海岱常思仙仗過崆峒三年笛裏關山月萬國兵前草木風成王功大心轉小郭相謀深古來少司徒清鑒懸明鏡尚書氣與秋天杳二三豪俊爲時出整頓乾坤濟時了東走無復憶鱸魚南飛覺有安枝鳥青春復隨冠冕入紫禁正耐煙花繞鶴駕通宵鳳輦備鷄鳴問寢龍樓曉攀龍附鳳勢莫當天下盡化爲侯王汝等豈知蒙帝力時來不得誇身強關中旣留蕭丞相幕下復用張子房張公一生江海客身長九尺鬚眉蒼微起適遇風雲會扶顛始知籌策良青袍白馬更何有後漢今周喜再昌寸地尺天皆入

貢奇祥異瑞爭來送。不知何國致白環。復道諸山得銀甕。
隱士休歌紫芝曲。詞人解撰河清頌。田家望望惜雨乾。布
穀處處催春種。淇上健兒歸莫懶。城南思婦愁多夢。安得
壯士挽天河。淨洗甲兵長不用。

青絲

青絲白馬誰家子。麤豪且逐風塵起。不聞漢主放妃嬪。近
靜潼關掃蜂蟻。殿前兵馬破汝時。十月即爲壘粉期。未如
面縛歸金闕。萬一皇恩下玉墀。

近聞

近聞伏戎遠遁逃。牧馬不敢侵臨洮。渭水逶迤白日靜。隴
山蕭瑟秋雲高。崆峒五原一無事。北庭數有關中使。似聞
贊普更求歸。舅甥和好應難棄。

漁陽

漁陽突騎猶精銳。赫赫雍王都節制。猛將飄然恐後時。本
朝不入非高計。祿山北築雄武城。舊防敗走歸其營。繫書
請問燕耆舊。今日何須十萬兵。

自平

自平宮中呂太一。收珠南海千餘日。近供生犀翡翠稀。復
恐征戍干戈密。蠻溪豪族小動搖。世封敕史非時朝。蓬萊
殿裏諸主將。才如伏波不得驕。

歲晏行

歲云暮矣多北風。瀟湘洞庭白雲中。漁父天寒網罟凍。莫
徭莫徭夷射厭鳴桑弓。去年米貴闕軍食。今年米賤大傷
農。高馬達官厭酒肉。此輩杼柚茅茨空。楚人重魚不重鳥。

汝休枉殺南飛鴻况聞處處鬻男女割慈忍愛還租庸往
日用錢捉私鑄今許鉛錫和青銅刻泥爲之最易得好惡
不合長相蒙萬國城頭吹畫角此曲哀怨何時終

蠶穀行

天下郡國向萬城無有一城無甲兵焉得鑄甲作農器一
寸荒田牛得耕牛盡耕田蠶亦成不勞烈士淚滂沱男穀
女絲行復歌

折檻行

嗚呼房魏不復見秦王學士時難羨青襟曹子困泥塗白
馬將軍若雷電千載少似朱雲人至今折檻空嶙峋婁公
不語宋公語尚憶先皇容直臣

天邊行

天邊老人歸未得日暮東臨大江哭隴右河源不種田胡
騎羌兵入巴蜀洪濤滔天風拔木前飛秃鷲後鴻鵠九度
附書向洛陽十年骨肉無消息

大麥行

大麥乾枯小麥黃婦女行泣夫走歲東至集壁西梁洋問
誰腰鎌胡與羌豈無蜀兵三千人部領辛苦江山長安得
如鳥有羽翅託身白雲還故鄉

苦戰行

苦戰身死馬將軍自云伏波之子孫干戈未定失壯士使
我歎恨傷精魂去年江南討狂賊臨江把臂難再得別時
孤雲今不飛時獨看雲淚橫臆

去秋行

去秋涪江木落時臂鎗走馬誰家兒到今不知白骨處部
曲有去皆無歸遂州城中漢節在遂州城外巴人稀戰場
冤鬼每夜哭空令野營猛士悲

光祿坂行

山行落日下絕壁西望千山萬山赤樹枝有鳥亂鳴時暝
色無人獨歸客馬驚不憂深谷墜草動只怕長弓射安得
更似開元中道路即今多擁隔

將帥

久雨期王將軍不至

天雨蕭蕭滯茅屋空山無以慰幽獨銳頭將軍來何遲令
我心中苦不足數看黃霧亂玄雲時聽巖風折喬木泉源
冷冷雜猿狖泥渾漠漠飢鴻鵠歲暮窮陰耿未已人生會

面難再得憶爾腰下鐵絲箭射殺林中雪色鹿前者坐皮
因問毛知子歷險人馬勞異獸如飛星宿落應弦不礙蒼
山高安得突騎只五千萃然眉骨皆爾曹走平亂世相催
促一豁明主正鬱陶憶昔范增碎玉斗未使吳兵著白袍
昏昏閭闔閉氛祲十月荆南雷怒號

魏將軍歌

將軍昔著從事衫鐵馬馳突重兩銜被堅執銳略西極崑
崙月窟東嶄巖君門羽林萬猛士惡若哮虎子所監五年
起家列霜戟一日過海收風帆平生流輩徒蠢蠢長安少
年氣欲盡魏侯骨聳精爽繁華嶽峯尖見秋隼星纏寶校
金盤陀夜騎天駟超天河攬槍熒惑不敢動翠蕤雲旛相
蕩摩吾爲子起歌都護酒闌插劒肝膽露勾陳蒼蒼玄武

風萬歲千秋奉明主臨江節士安足數

戲作花卿歌

成都猛將有花卿學語小兒知姓名用如快鷲風火生見
賊唯多身始輕綿州副使著柘黃我卿掃除即日平子璋
髑髏血模糊手提擲還崔大夫李侯重有此節度人道我
卿絕世無既稱絕世無天子何不喚取守京都

軍旅

冬狩行時梓州刺史章彝兼侍御史留後東川

君不見東川節度兵馬雄校獵亦似觀成功夜發猛士三
千人清晨合圍步驟同禽獸已斃十七八殺聲落日回蒼
穹幕前生致九青兕駱駝上落獵切下垂玄熊東西嶺五駁切高虎
南北百里間髣髴蹴踏寒山空有鳥名鸚鵡力不能高飛

逐走蓬肉味不足登鼎俎胡為見羈虞羅中春蒐冬狩侯
得同使君五馬一馬駉况今攝行大將權號令頗有前賢
風飄然時危一老翁十年厭見旌旗紅喜君士卒甚整肅
為我回轡擒西戎草中狐兔盡何益天子不在咸陽宮朝
廷雖無幽王禍得不哀痛塵再蒙
居室

栴樹為風雨所拔歎

倚江栴樹草堂前故老相傳二百年誅茅卜居總為此五
月髣髴聞寒蟬東南飄風動地至江翻石走流雲氣榦排
雷雨猶力爭根斷泉源豈天意滄波老樹性所愛浦上童
童一清蓋野老頻留懼雪霜行人不過聽竿籟虎倒龍顛
委榛棘淚痕血點垂曾憶我有新詩何處吟草堂自此無

顏色

茅屋為秋風所破歎

八月秋高風怒號卷我屋上三重茅
茅飛渡江洒江郊高者挂罥^掛天
長林梢下者飄轉沈塘坳南村羣
童欺我老無力恐能對面為盜賊
公然抱茅入竹去唇焦口燥呼不
得歸來倚杖自歎息俄頃風定雲
墨色秋天漠漠向昏黑布衾多年
冷如鐵嬌兒惡臥踏裏裂牀牀屋
漏無乾處雨脚如麻未斷絕自經
喪亂少睡眠長夜沾濕何由徹安
得廣廈千萬間大庇天下寒士俱
歡顏風雨不動安如山嗚呼何時
眼前突兀見此屋吾廬獨破受凍
死亦足

題人居壁

寄栢學士林居

自胡之反持干戈天下學士亦奔波
歎彼幽棲載典籍蕭然暴露向山
阿青山萬里靜散地白雨亦洗空
垂蘿亂代飄零余到此古人成敗
子如何荆陽春冬異風土巫峽日
夜多雲雨赤葉楓林百舌鳴黃泥
野岸天鷄舞盜賊縱橫甚密邇形
神寂寞甘辛苦幾時高議排金門
各使蒼生有環堵

別李秘書始興寺所居

不見秘書心若失及見秘書失心疾
安為動主理信然我獨覺子神克
實重閭西方止觀經老身古寺風
冷冷妻兒待米且歸去他日杖藜
來細聽

皇族

哀王孫

長安城頭頭白鳥夜飛延秋門上呼又向人家啄大屋屋
底達官走避胡金鞭斷折九馬死骨肉不待同馳驅腰下
寶玦青珊瑚可憐王孫泣路隅問之不肯道姓名但道困
苦乞為奴已經百日竄荆棘身上無有完肌膚高帝子孫
盡隆準龍種自與常人殊豺狼在邑龍在野王孫善保千
金軀不敢長語臨交衢且為王孫立斯須昨夜東風吹血
腥東來橐駝滿舊都朔方健兒好身手昔何勇銳今何愚
竊聞太子已傳位聖德北服南單于花門回給勞割面請地名勞也
雪耻慎勿出口他人徂哀哉王孫慎勿踈五陵佳氣無時
無

世胄

寄狄明府

梁公會孫我姨弟不見十年官濟濟大賢之後竟陵遲浩
蕩今古同一體比看伯叔四十人有才無命百寮底今者
弟兄一百人幾人卓絕秉周禮在汝更用文章為長兄白
眉復天啓汝門請從曾公說太后當朝多巧計狄公執政
在末年濁河終不污清涕國嗣初將付諸武公獨廷諍守
丹陛禁中冊決詔房陵前朝長老皆流涕太宗社稷一朝
正漢官威儀重昭洗時危始識不世才誰謂茶苦甘如薺
汝曹又宜裂土食身使門戶多旌棨胡為飄泊岷漢門干
謁王侯頗歷詆况乃山高水有波秋風蕭蕭露泥泥虎之
饑下巉巖蛟之橫出清泚早歸來黃汚人衣眼易眯

入奏行

竇待御驥之子鳳之雛年未三十忠義俱骨鯁絕代無烟

如一段清冰出萬壑置在迎風寒露之玉壺蔗漿歸厨金
盃凍洗滌煩熱足以寧君軀政用踈通合典則戚聯豪貴
耽文儒兵革未息人未蘇天子亦念西南隅吐蕃憑陵氣
頗粗竇氏檢察應時須運糧繩橋壯士喜斬火木并窮猿
呼八州刺史思一戰三城守邊却可圖此行入奏計未小
密奉聖旨恩宜殊繡衣春當霄漢立綵服日向庭闈趨省
郎京尹必俯拾江花未落還成都肯訪浣花老翁無爲君
酤酒滿眼酤與奴白飯馬青芻

徐卿二子歌

君不見徐卿二子生絕竒感應吉夢相追隨孔子釋氏親
抱送並是天上麒麟兒大兒九齡色清澈秋水爲神玉爲
骨小兒五歲氣食牛滿堂賓客皆回頭吾知徐公百不憂

積善衮衮生公侯丈夫生兒有如此二雛者名位豈肯卑
微休

宗族

狂歌行贈四兄

與兄行年校一歲賢者是兄愚者弟兄將富貴等浮雲弟
竊功名好權勢長安秋雨十日泥我曹韞馬聽晨鷄公卿
朱門未開鎖我曹已到肩相齊吾兄睡穩方舒膝不鞅不
巾踏曉日男啼女哭莫我知身上須繒腹中實今年思我
來嘉州嘉州酒重花滿樓樓頭喫酒樓下臥長歌短詠還
相酬四時八節還拘禮女拜弟妻男拜弟幅巾鞶帶不掛
身頭脂足垢何曾洗吾兄吾兄巢許倫一生喜怒長任真
日斜枕肘寢已熟啾啾唧唧爲何人

先稱其才藝以慰
其二後弟以乃寫別
山之景與情意法
非之雜而法上專
其
種心妙處偏能寫
得愁人

醉歌行

陸機二十作文賦汝更小年能綴文總角草書又神速世
上兒子徒紛紛驂駟作駒已汗血驚鳥舉翮連青雲詞源
倒流三峽水筆陣獨掃千人軍只今年纔十六七射策君
門期第一舊穿楊葉真自知暫蹶霜蹄未爲失偶然擢秀
非難取會是排風有毛質汝身已見唾成珠汝伯何由髮
如漆春光淡沱秦東亭渚蒲芽白水荇青風吹客衣日杲
杲樹攪離思花冥冥酒盡沙頭雙玉鉸衆賓皆醉我獨醒
乃知貧賤別更苦吞聲躑躅涕淚零

寄從孫崇簡

嗟峨白帝城東西南有龍湫北虎溪吾孫騎曹不記馬業
學戶卿多養鷄龐公隱時盡室去武陵春樹他人迷與汝

林居未相失近身藥裏酒長携牧叟樵童亦無賴莫令斬
斷青雲梯

仙道

憶昔行

憶昔北尋小有洞洪河怒濤過輕舸辛苦不見華蓋君良
岑青輝慘么麼千崖無人萬壑靜三步回頭五步坐秋山
眼冷魂未歸仙賞心違淚交墮弟子誰依白茅室盧老獨
啓青銅鎖巾拂香餘搗藥塵階除灰死燒丹火玄圃滄洲
莽空闊金節羽衣飄婀娜落日初霞閃餘映倏忽東西無
不可松風礮水聲合時青兕黃熊啼向我徒然咨嗟撫遺
跡至今夢想仍猶佐秘訣隱文須內教晚歲何功使願果
更討衡陽董鍊師南遊早鼓瀟湘柁

隱逸

玄都壇歌七言六韻寄元逸人

故人昔隱東蒙峰已佩含景蒼精龍故人今居子午谷獨
在陰崖結茅屋屋前太古玄都壇青石漠漠常風寒子規
夜啼山竹裂王母晝下雲旗翻知君此計誠長往芝草琅
玕日應長鐵鎖高垂不可攀致身福地何蕭爽

釋老

大覺寺高僧蘭若

巫山不見廬山遠松林蘭若秋風晚一老猶鳴日暮鐘諸
僧尚乞齋時飯香鑪峯色隱晴湖種杏仙家近白榆飛錫
去年啼邑子獻花何日許門徒

寺觀

岳麓山道林二寺行

玉泉之南麓山殊道林林壑爭盤紆寺門高開洞庭野殿
脚挿入赤沙湖五月寒風冷佛骨六時天樂朝香爐地靈
步步雪山草僧寶人人滄海珠塔劫宮墻壯麗敵香厨松
道清涼俱蓮花交響共命鳥金榜雙回三足烏方丈涉海
費時節玄圃尋河知有無暮年且喜經行近春日兼蒙暄
暖扶飄然斑白身奚適旁此煙霞茅可誅桃源人家易制
度橘洲田土仍膏腴潭府邑中甚淳古太守庭內不喧呼
昔遭衰世皆晦迹今幸樂國養微軀依止老宿亦未晚富
貴功名焉足圖久爲野客尋幽慣細學何顛免興孤一重
一掩吾肺腑山鳥山花吾友于宋公放逐曾題壁物色分
留與老夫

四時

春日戲題惱郝使君

使君意氣凌青霄憶昨歡娛常見招細馬時鳴金腰裏佳人屢出董嬌嬈東流江水西飛燕可惜春光不相見願携王趙兩紅顏再騁肌膚如素練通泉百里近梓州請公一來開我愁舞處重看花滿面樽前還有錦纏頭

秋

秋風二首

秋風浙浙吹巫山上牢下牢修水關吳檣楚柁牽白丈暖向神都寒未還要路何日罷長戟戰自青无連白蠻中巴不得消息好暝傳戍鼓長雲間

秋風浙浙吹我衣東流之外西日微天清小城擣練急石古細路行人稀不知明月爲誰好早晚孤帆他夜歸會將白髮倚庭樹故園池臺今是非

冬

前苦寒行二首

漢時長安雪一丈牛馬毛寒縮如蝟楚江巫峽水入懷虎豹哀號又堪記秦城老翁荆揚客慣習炎蒸歲絺綌玄冥祝融氣或交手持白羽未敢釋

去年白帝在雪山今年白帝雪在地凍埋蛟龍南浦縮寒刮肌膚北風利楚人四時皆麻衣楚天萬里無晶輝三足之鳥足恐斷羲和迭迭將安歸

後苦寒行二首

南紀巫廬瘴不絕太古以來無尺雪蠻夷長老怨苦寒崑

崙天關凍應折玄猿口噤不能嘯白鵠翅垂眼流血安得
春泥補地裂

晚來江門失大木猛風中夜飛白屋天兵斬斷青海戎殺
氣南行動坤軸不爾苦寒何太酷巴東之峽生凌澌彼蒼
回斡人得知

節序

追酬故高蜀州人日見寄并序

開文書帙中檢所遺忘因得故高常侍適往居在成
都時高任蜀州刺史人日相憶見寄詩淚灑行間讀
終篇未自枉詩已十餘年莫記存沒又六七年矣老
病懷舊生意可知今海內忘形故人獨漢中王瑀與
昭州敬使君超先在愛而不見情見乎辭大曆五年

正月二十一日却追酬高公作此因寄王及敬弟

自蒙蜀州人日作不意清詩久零落今晨散帙眼忽開迸
淚幽吟事如昨嗚呼壯士多慷慨合脊高名動寥廓歎我
悽悽求友篇感時鬱鬱匡君畧錦里春光空爛熳瑤墀侍
臣已冥寞瀟湘水國旁黿鼉鄴杜秋天失鷗鷺東西南北
更堪論白首扁舟病獨存遙拱北辰纏寇盜欲傾東海洗
乾坤邊塞西蕃最充斥衣冠南渡多崩奔鼓瑟至今悲帝
子曳裾何處覓王門文章曹植波瀾濶服食劉安德業尊
長笛誰能亂愁思昭州詞翰與招魂

清明

着處繁華矜是日長沙千人萬人出渡頭翠柳艷明眉爭
道朱蹄驕鬣膝此都好遊湘西寺諸將亦自軍中至馬援

征行在眼前。葛強親近同心事。金鎧下山紅粉晚。手搗挽
拖青樓遠。古時喪亂皆可知。人世悲歡暫相遣。弟姪雖存
不得書。干戈未息苦離居。逢迎少壯非吾道。况乃今朝更
被除。

哀江頭

少陵野老吞聲哭。春日潛行曲江曲。江頭宮殿鎖千門。細
柳新蒲為誰綠。憶昔霓旌下南苑。苑中萬物生顏色。昭陽
殿裏第一人。同輦隨君侍君側。輦前才人帶弓箭。白馬嚼
嚙黃金勒。翻身向天仰射雲。一箭正墮雙飛翼。明眸皓齒
今何在。血污遊魂歸不得。清渭東流劍閣深。去住彼此無
消息。人生有情淚沾臆。江水江花豈終極。黃昏胡騎塵滿
城。欲往城南忘城北。

麗人行

三月三日天氣新。長安水邊多麗人。態濃意遠淑且真。肌
理細膩骨肉勻。繡羅衣裳照暮春。感金孔雀銀麒麟。頭上
何所有。翠微盃。音菴婦人葉垂鬢脣。背後何所見。珠壓腰
袂穩稱身。就中雲幕椒房親。賜名大國號與秦。紫駝之峰
駝春土有一卦出翠釜。水精之盤行素鱗。犀筋厭飫久未
高如封上然下。鑿刀縷切空紛綸。黃門飛鞚不動塵。御廚絲絡送八珍。
蕭鼓哀吟感鬼神。賓從雜遝實要津。後來鞍馬何逡巡。當
軒下馬入錦茵。楊花雪落覆白蘋。青鳥飛去銜紅巾。炙手
可執勢絕倫。慎莫近前丞相嗔。

晝夜

今夕行

後處意存言也
月以扁之致也

今夕何夕歲云徂更長燭明不可孤咸陽客舍一事無相
與博塞我代為歡娛憑陵大叫呼五白即今之祖跣不肯
成臯盧臯勝之名也盧英雄有時亦如此邂逅豈即非良圖君
莫笑劉毅從來布衣願家無儋石輸百萬

夜歸

夜來歸來衝虎過山黑家中已眠臥傍見北斗向江低仰
看明星當空大庭前把燭嗔兩炬峽口驚猿聞一箇白頭
老罷舞復歌杖藜不睡誰能那

雨

秋雨歎三首

雨中百草秋爛死堦下決明顏色鮮著葉蒲枝翠羽益開
花無數黃金錢涼風蕭蕭吹汝急恐汝後時難獨立堂上

書生空白頭臨風三嗅馨香泣

關風伏雨秋紛紛四海八荒同一雲去馬來牛不復辨濁
涇清渭何當分禾頭生耳黍穗黑農夫田父無消息城中
斗米換衾裯相許寧論兩相直

長安布衣誰比數反鎖衡門守環堵老夫不出長蓬蒿稚
子無憂走風雨雨聲颼颼催早寒胡鴈翅濕高飛難秋來
未曾見白日泥汚后土何時乾

晚晴

高唐暮冬雪壯哉舊瘴無復似塵埃崖沉谷沒白嶝嶝江
石缺裂青楓摧南天三旬苦霧開赤日照耀從西來六龍
寒急光徘徊照我衰顏忽落地口中吟詠心中哀未惟及
時少年子揚眉結義黃金臺汨乎吾生何飄零支離委絕

同死灰

復陰

方冬合沓玄陰塞
昨日晚晴今日黑
萬里飛蓬映天過
孤城樹羽揚風直
江濤簸岸黃沙走
雲雪埋山蒼兕吼
君不見夔子之國杜陵翁
牙齒半落左耳聾

山嶽

丈人山

自爲青城客不唾青城地
爲愛丈人仙丹梯近幽意
丈人祠西佳氣濃
綠雲擬住最高峯
掃除白髮黃精在君看他時冰雪容

江河

漢陂行

岑參兄弟皆好奇
携我遠來遊漢陂
天地黯慘忽異色
波濤萬頃堆瑠璃
瑠璃汗漫泛舟入
事殊興極憂思集
鼉作鯨吞不復知
惡風白浪何嗟及
主人錦帆相爲開
舟子喜甚無氛埃
鳧鷖散亂棹謳發
絲管啁啾空翠來
沉竿續蔓深莫測
菱葉荷花靜如拭
宛在中流渤澥清
下歸無極終南黑
半陂已南純浸山
影動裊窺冲融閒
船舫暝戛雲際寺
水面月出藍田關
此時驪龍亦吐珠
馮夷擊鼓羣龍趨
湘妃漢女出歌舞
金支翠旗光有無
咫尺但愁雷雨至
蒼茫不曉神靈意
少壯幾時奈老何
向來哀樂何其多

都邑

閬山歌

閬州城東靈山白
閬中城北玉臺碧
松浮欲盡不盡雲
江

動將崩已崩石那知根無鬼神會已覺勢與嵩華敵中原
格鬪且未歸應結茅齋看青壁

閬水歌

嘉陵江色何所似石黛碧玉相因依正憐日破浪花出更
復春從沙際歸巴童蕩槳歌側過水鳥銜魚來去飛閬中
勝事可腸斷閬州城南天下稀

樓閣

越王樓歌

綿州州府何磊落顯慶年中越王作孤城西北起高樓碧
瓦朱甍照城郭樓下長江百丈清山頭落日半輪明君王
舊跡今人賞轉見千秋萬古情

園林

樂遊園歌晦日賀蘭楊長史筵醉中作

樂遊古園峯森爽煙綿碧草萋萋長公子華筵勢最高秦
川對酒平如掌長生木瓢示真率更調鞍馬狂歡賞青春
波浪芙蓉園白日雷霆夾城仗闔闔晴開映蕩蕩曲江翠
幕排銀榜拂水底回舞袖翻綠雲清切歌聲上却憶年年
人醉時只今未醉已先悲數莖白髮那拋得百罰深盃亦
不辭聖朝已知賤士醜一物自荷皇天慈此身飲罷無歸
處獨立蒼茫自詠詩

燕飲

醉時歌贈廣文館學士鄭虔

諸公衮衮登臺省廣文先生官獨冷甲第紛紛厭梁肉廣
文先生飯不足先生有道出羲皇先生有文過屈宋德尊

一代常軼軻名垂萬古知何用杜陵野客人更嗤被褐短
窄鬢如絲日糴太倉五升米時赴鄭老同襟期得錢即相
覓沽酒不復疑忘形倒爾汝痛飲真吾師清夜沉沉動春
酌燈前細雨簷花落但覺高歌有鬼神焉知餓死填溝壑
相如逸才親滌器子雲識字終投閣先生早賦歸去來石
田茅屋荒蒼苔儒術於我何有哉孔丘盜跖俱塵埃不須
聞此意慘愴生前相遇且銜盃

蘇端薛復筵簡薛華醉歌

文章有神交有道端復得之名譽早愛客滿堂盡豪傑開
筵上日思芳草安得健步移遠梅亂插繁花向晴昊千里
猶殘舊冰雪百壺且試開懷抱垂老惡聞戰鼓悲急觴爲
緩憂心擣少年努力縱談笑看我形容已枯槁坐中薛華

善醉歌歌辭自作風格老近來海內爲長句汝與山東李
白好何劉沈謝力未工才兼鮑照愁絕倒諸生頗盡新知
樂萬事終傷不自保氣酣日落西風來願吹野水添金杯
如澗之酒常快意亦知窮愁安在哉忽憶雨時秋井塌古
人白骨生青苔如何不飲令心哀

飲中八仙歌

知章騎馬似乘船眼花落井水底眠汝陽三斗始朝天道
逢麴車口流涎恨不移封向酒泉左相日興費萬錢飲如
長鯨吸百川銜盃樂聖稱世賢宗之瀟灑美少年舉觴白
眼望青天皎如玉樹臨風前蘇晉長齋繡佛前醉中往往
愛逃禪李白一斗詩百篇長安市上酒家眠天子呼來不
上船自稱臣是酒中仙張旭三盃草聖傳脫帽露頂王公

前揮毫紙落如雲煙焦遂五斗方卓然高談雄辯驚四筵
陪王侍御同登東山最高頂宴姚通泉晚携酒泛

江

姚公美政誰與儔不減昔時陳太丘邑中上客有柱史多
暇日陪驄馬遊東山高頂羅珍羞下顧城郭銷我憂清江
白日落欲盡復携美人登綵舟笛聲憤怒哀中流妙舞透
迤夜未休燈前徃徃大魚出聽曲低昂如有求三更風起
寒浪湧取樂喧呼覺船重滿空星河光破碎四坐賓客色
不動請公臨深莫相違回船罷酒上馬歸人生歡樂豈有
極無使霜露霑人衣

湖城東遇孟雲卿復歸劉顥宅宿燕飲散因爲醉

歌

疾風吹塵暗河縣行子隔手不相見湖城城南一開眼駐
馬偶識雲卿面况非劉顥爲地主嬾回鞭轡成高宴劉侯
歎我携客來置酒張燈足華饌且將款曲終今夕休語艱
難尚酣戰照室紅鑪促曙光縈窻素月垂文練天開地裂
長安陌寒盡春生洛陽駁豈知驅車復同軌可惜刻漏隨
更箭人生會合不可常庭樹鷄鳴淚如綫

書畫

李潮八分小篆歌

蒼頡鳥跡旣茫昧字體變化如浮雲陳蒼石鼓又已訛大
小二篆生八分秦有李斯漢蔡邕中間作者寂不聞嶧山
之碑野火焚棗木傳刻肥失真苦縣光和尚骨立書貴瘦
硬方通神惜哉李蔡不復得吾甥李潮下筆親尚書韓擇

木騎曹蔡有隣開元已來數八分潮也奄有二子成三人
况潮小篆逼秦相快劍長戟森相向八分一字直百金蛟
龍盤拏肉屈強吳郡張顛誇草書草書非古空雄壯豈知
吾甥不流宕丞相中郎丈人行巴東逢李潮逾月求我歌
我今衰老才力薄潮乎潮乎柰汝何

丹青引贈曹將軍霸

將軍魏武之子孫於今爲庶爲清門英雄割據雖已矣文
采風流今尚存學書初學衛夫人但恨無過王右軍丹青
不知老將至富貴於我如浮雲開元之中嘗引見承恩數
上南薰殿凌煙功臣少顏色將軍下筆開生面良相頭上
進賢冠猛將腰間大羽箭褒公鄂公毛髮動英資颯爽來
酣戰先帝天馬玉花驄畫工如山貌不同是日牽來赤墀

下迴立闔闔生長風詔謂將軍拂絹素意匠慘澹經營中
斯須九重真龍出一洗萬古凡馬空玉花却在御榻上榻
上庭前屹相向至尊含笑催賜金圉人太僕皆惆悵弟子
韓幹早入室亦能畫馬窮殊相幹惟畫肉不畫骨恐使驂
騮氣凋喪將軍畫善蓋有神必逢佳士亦寫真即今漂泊
干戈際屢貌尋常行路人途窮返遭俗眼白世上未有如
公貧但看古來盛名下終日坎壈纏其身

奉先劉少府新畫山水障歌

堂上不合生楓樹恠底江山起煙霧聞君掃却赤縣圖乘
興遣畫滄洲趣畫師亦無數好手不可遇對此融心神知
君重毫素豈但祁岳與鄭虔筆迹遠過楊契丹得非玄圃
裂無乃瀟湘翻悄然坐我天姥山姥下耳邊已似聞清猿

木騎曹蔡有隣開元已來數八分朝也奄有二子成三人
况潮小篆逼秦相快劍長戟森相向八分一字直百金蛟
龍盤擊肉屈強吳郡張顛詒草書草書非古空雄壯豈知
吾甥不流宕丞相中郎丈人行巴東逢李潮逾月求我歌
我今衰老才力薄潮乎潮乎柰汝何

丹青引贈曹將軍霸

將軍魏武之子孫於今爲庶爲清門英雄割據雖已矣文
采風流今尚存學書初學衛夫人但恨無過王右軍丹青
不知老將至富貴於我如浮雲開元之中嘗引見承恩數
上南薰殿凌煙功臣少顏色將軍下筆開生面良相頭上
進賢冠猛將腰間大羽箭褒公鄂公毛髮動英資颯爽來
酣戰先帝天馬玉花驄畫工如山貌不同是日牽來赤墀

下迴立闔闔生長風詔謂將軍拂絹素意匠慘澹經營中
斯須九重真龍出一洗萬古凡馬空玉花却在御榻上榻
上庭前屹相向至尊含笑催賜金圉人太僕皆惆悵弟子
韓幹早入室亦能畫馬窮殊相幹惟畫肉不畫骨忍使驂
駟氣凋喪將軍畫善蓋有神必逢佳士亦寫真卽今漂泊
干戈際屢貌尋常行路人途窮返遭俗眼白世上未有如
公貧但看古來盛名下終日坎壈纏其身

奉先劉少府新畫山水障歌

堂上不合生楓樹恠底江山起煙霧聞君掃却赤縣圖乘
輿遣畫滄洲趣畫師亦無數好手不可遇對此融心神知
君重毫素豈但祁岳與鄭虔筆迹遠過楊契丹得非玄圃
裂無乃瀟湘翻悄然坐我天姥山天姥山名下耳邊已似聞清猿

反想前夜風雨急。乃是蒲城鬼神入。元氣淋漓障猶濕。真宰上訴天應泣。野亭春還雜花遠。漁翁暝踏孤舟立。滄浪水深青溟闊。欹岸側島秋毫末。不見湘妃鼓瑟時。至今斑竹臨江活。劉侯天機精愛畫。入骨髓自有兩兒。卽揮灑亦莫比。大兒聰明到能添。老樹巔崖裏。小兒心孔開。貌得山僧及童子。若耶溪雲門寺。吾獨胡爲在泥滓。青鞋布鞵從此始。

戲題王宰畫山水圖歌

十日畫一水。五日畫一石。能事不受相促迫。王宰始肯留真跡。壯哉崑崙方壺圖。掛君高堂之素壁。巴陵洞庭日本東。赤岸水與銀河通。中有雲氣隨飛龍。舟人漁子入浦淪。山木盡亞洪濤風。尤工遠勢古莫比。只尺應須論萬里焉。

得并州快剪刀。剪取吳松半江水。

題李尊師松樹障子歌

老夫清晨梳白頭。玄都道士來相訪。握髮呼兒延入戶。手持新畫青松障。障子松林靜杳冥。憑軒忽若無丹青。陰崖却承霜雪榦。偃蓋反走蚪龍形。老夫平生好奇古。對此與與精靈聚。已知仙客意相親。更覺良工心獨苦。松下丈人巾屨同。偶坐似是商山翁。翁悵望聊歌紫芝曲。時危慘淡來悲風。

戲韋偃爲雙松圖歌

天下幾人畫古松。畢宏已老韋偃少。絕筆長風起。纖末滿堂動色嗟。神妙兩株慘裂苔。蘚皮屈鐵交錯回。高枝白摧朽骨龍。虎死黑入太陰雷雨垂。松根胡僧憇寂寞。龐眉皓

首無住著偏袒右肩露雙脚葉裏松子僧前落韋侯韋侯
數相見我有一匹好東絹重之不减錦繡段已令拂拭光
凌亂請公放筆爲直幹

姜楚公畫角鷹歌

楚公畫鷹鷹戴角殺氣森森到幽朔觀者貪愁掣臂飛畫
師不是無心學此鷹寫真在左綿却嗟真骨遂虛傳梁間
燕雀休驚怕亦未搏空上九天

韋諷錄事宅觀曹將軍畫馬圖引

國初已來畫鞍馬神妙獨數江都王將軍得名三十載人
間又見真乘黃曾貌先帝照夜白龍池十日飛霹靂內府
殷烏閑切紅瑪瑙盤婕妤傳詔才人索盤賜將軍拜舞歸輕
紈細綺相追飛貴戚權門得筆跡始覺屏障生光輝昔日

太宗奉毛騮近時郭家師子花今之新圖有二馬復令識
者久嘆嗟此皆騎戰一敵萬縞素漠漠開風沙其餘七匹
亦殊絕迥若寒空動煙雪霜蹄蹴踏長楸間馬官廐養森
成列可憐九馬爭神駿顧視清高氣深穩借問苦心愛者
誰後有韋諷前支遁憶昔巡幸新豐宮翠華拂天來向東
騰驤磊落三萬匹皆與此圖筋骨同自從獻寶朝河宗無
復射蛟江水中君不見金粟堆前松柏裏龍媒去盡鳥呼
風

天育驃騎歌

吾聞天子之馬走千里今之畫圖無乃是是何意態雄且
傑駢尾蕭梢朔風起毛爲綠縹兩耳黃眼有紫焰雙瞳方
矯矯龍性合變化卓立天骨森開張伊昔太僕張景順考

牧攻駒閱清峻遂令大奴守天育別養驥子憐神駿當時
四十萬匹馬張公歎其才盡下故獨寫真傳世人見之座
右久更新年多物化空形影嗚呼健步無由騁如今豈無
騷裏與驊騮時無王良伯樂死即休

題壁上韋偃畫馬歌

韋侯別我有所適知我憐君畫無敵戲拈秃筆掃驊騮歛
見騏驎出東壁一匹斲草一匹嘶坐看千里當霜蹄時危
安得真致此與人同生亦同死

音樂

觀公孫大娘弟子舞劍器行并序

大歷二年十月十九日夔府別駕元持宅見臨穎李
十二娘舞劍器壯其蔚跂問其所師曰余公孫大娘

弟子也開元三載余尚童稚記於郾城觀公孫氏舞
劍器渾脫瀏漓頓挫獨出冠時自高頭宜春梨園二
伎坊內人洎外供奉曉是舞者聖文神武皇帝初公
孫一人而已玉貌錦衣况余白首今茲弟子亦匪盛
顏既辯其由來知波瀾莫二撫事慷慨聊爲劍器行
往者吳人張旭善草書書帖數嘗於鄴縣見公孫大
娘舞西河劍器自此草書長進豪蕩感激即公孫可
知矣數一作類

昔有佳人公孫氏一舞劍器動四方觀者如山色沮喪天
地爲之乂低昂燿如羿射九日落矯如羣帝驂龍翔來如
雷電收震怒罷如江海凝清光絳唇朱袖兩寂寞晚有弟
子傳芬芳臨穎美人在白帝妙舞此曲神揚揚與余問答

既有以感時撫事增惋傷先帝侍女八千人公孫劍器初
第一五十年間似反掌風塵瀕洞昏王室梨園弟子散如
烟女樂餘姿映寒日金粟堆南木已拱瞿塘石城草蕭瑟
玳筵急管曲復終樂極哀來月東出老夫不知其所往足
繭荒山轉愁疾

夜聞感策

夜聞感策滄江上衰年側耳情所嚮鄰舟一聽多感傷塞
曲三更歛悲壯積雪飛霜此夜寒孤燈急管復風湍君知
天地干戈滿不見江湖行路難

器用

荆南兵馬使太常卿趙公大食刀歌

太常樓船聲嗷嘈問兵刮寇超下牢牧出令奔飛百艘猛

蛟突獸紛騰逃白帝塞城駐錦袍玄冬示我胡國刀壯士
短衣頭虎毛憑軒拔鞘天為高翻風轉白木怒號冰翼雲
漆傷哀孫鑄錯碧鬕鸛鷄膏芒鏐已坐虛秋濤鬼物撇揆
亂坑壕蒼水使者捫赤修龍伯國人罷釣鰲芮公回首顏
色勞分闡救世用賢豪趙公玉立高歌起攬環結佩相終
始萬歲持之護天子得君亂絲與君理蜀江如線針如水
荆岑彈丸心未已賊臣惡子休干紀魑魅魍魎徒為耳妖
腰亂領故欣喜用之不高亦不痺不似長劍須天倚吁嗟
光祿英雄弭大食寶刀聊可比丹青宛轉麒麟裏光苾六
合無泥滓

桃竹杖引贈章留後

江心蟠石生桃竹桃竹出海南縣公海蒼波噴浸尺度

酷似太白

足斬根削皮如紫玉。江妃水仙惜不得，梓潼使君開一束。
蒲堂賓客皆歎息，憐我老病贈兩莖。出入爪甲鏗有聲，老
夫復欲東南征。乘濤鼓枻白帝城，路幽必爲鬼神奪。杖劍
或與蛟龍爭，重爲告曰杖。方杖方爾之生也，甚正直慎勿
見水踴躍學變化爲龍使。我不得爾之扶持，滅跡於君山
湖上之青峰。噫風塵湏_湖洞，_孔豺虎咬人忽失雙杖。兮
吾將曷從

食物

閩鄉姜七少府設鱠戲贈長歌

姜侯設鱠當嚴冬，昨日今日皆天風。河東未漁不易得，鑿
冰恐侵河伯宮。饕人受魚咬人手，洗魚磨刀魚眼紅。無聲
細下飛碎雪，有骨已剝觜。春葱偏觀腹，腹愧年少軟炊香。

飯緣老翁落碓何，曾白紙濕放筋未。覺金盤空新懽飽，
姜侯德清觴異味。情屢極東歸貪，路自覺難欲別上馬身。
無力可憐爲人好，心事於我見子真。顏色不恨我衰子貴，
時悵望且爲今相憶。

觀打魚歌

綿州江水之東津，魴魚鱣鱣色勝銀。漁人漾舟沈大網，截
江一擁數百鱗。衆魚常才盡，奔却赤鯉騰出如有神。潛龍
無聲老蛟怒，回風颯颯吹沙塵。饕子左右揮霜刀，鱠飛金
盤白雪高。徐州秃尾不足憶，漢陰槎頭遠遁逃。魴魚肥美
知第一，旣飽驩娛亦蕭瑟。君不見朝來割素髻，咫尺波濤
永相失。

又觀打魚

蒼江漁子清晨集。設網提綱萬魚急。能者操舟疾若風。撐
突波濤挺義入。小魚脫漏不可紀。半死半生猶戢戢。大魚
傷損皆垂頭。屈強泥沙有時立。東津觀魚已再來。主人罷
鱸還傾盃。日暮蛟龍改窟穴。山根鱸鮓隨雲雷。干戈兵革
闔未已。鳳凰麒麟安在哉。吾徒胡爲縱此樂。暴殄天物聖
所哀。

鳥

朱鳳行

君不見瀟湘之山衡。山高山巔朱鳳聲。嗷嗷側身長顧求
其曹。翅垂口噤心甚勞。下愍百鳥在羅網。黃雀最小猶難
逃。願分竹實及螻蟻。盡使鳴臬相怒號。

杜鵑行

君不見昔日蜀天子。化爲杜鵑似老鳥。寄巢生子不自啄。
羣鳥至今與哺雛。雖同君臣有舊禮。骨肉滿眼身羈孤。葉
工竄伏深樹裏。四月五月偏號呼。其聲哀痛口流血。所訴
何事常區區。爾豈催殘始發憤。羞帶羽翮傷形愚。蒼天變
化誰料得。萬事反覆何所無。萬事反覆何所無。豈憶當啟
群臣趨。

杜鵑

古時杜宇稱望帝。魂作杜鵑何微細。跳枝竄葉樹木中。搶
伴瞥捩雌隨雄。毛衣慘黑貌憔悴。衆鳥安肯相尊崇。隨形
不敢栖華屋。短翮惟願巢深叢。穿皮啄朽觜欲秃。苦飢始
得食。一蟲誰言養。雖不自哺。此語亦足爲愚蒙。聲音咽咽
如有謂。號啼畧與嬰兒同。口乾垂血轉迫促。似欲上訴於

蒼穹蜀人聞之皆起立至今勦學傳遺風迺知變化不可窮豈思昔日居深宮嬪嬙左右如花紅

呀鶻行

病鶻卑飛俗眼醜每夜江邊宿衰柳清秋落日已側身過
鴈歸鷗錯回首緊腦雄姿迷所向踈翮稀毛不可狀疆神
迷復皂鷗前俊材早在蒼鷹上風濤颯颯寒山陰熊羆欲
蟄龍蛇深念爾此時有一擲失聲濺血非其心

王兵馬使二角鷹

悲臺蕭瑟石龍從龍從高哀壑杈枒浩呼洶中有萬里之
長江回風陷日孤光動角鷹翻倒壯士臂將軍玉帳軒勇
氣二鷹猛腦條徐墜目如愁胡視天地杉鷄竹兔不自惜
孩虎野羊俱辟易韉上鋒稜十二翮將軍勇銳與之敵將

軍樹勳起安西崑崙虞泉入馬蹄白羽曾肉三狡猊壯洗
下五起五切獅野類敢决豈不與之齊荆南芮公得將軍亦
如角鷹下翔雲惡鳥飛飛啄金屋安得爾輩開其群驅出
六合梟鷲分

縛鷄行

小奴縛鷄向市賣鷄被縛急相喧爭家中厭鷄食蟲蟻不
知鷄賣還遭烹蟲鷄於人何厚薄吾叱奴人解其縛鷄蟲
得失無了時注目寒江倚山閣

白鳧行

君不見黃鵠高於五尺童化為白鳧似老翁故畦遺穗已
蕩盡天寒歲暮波濤中鱗介腥膾素不食終日忍飢西復
東魯門鷄鷓亦躑躅聞道如今猶避風

獸

沙苑行

君不見左輔白沙白如水
 絛以周牆百餘里
 龍媒昔是渥洼生
 汗血今稱獻於此
 苑中駉牝三千匹
 豐草青青寒不死
 食之豪健西域無
 每歲攻駒冠邊鄙
 王有虎臣司苑門
 入門天廐皆雲屯
 驥驎一骨獨當御
 春秋二時歸至尊
 至尊內外馬盈億
 伏櫪在圻空大存
 逸羣絕足信殊傑
 倜儻權音難具論
 纍纍埶阜藏奔突
 往往坡陁縱超越
 角壯翻同麋鹿遊
 浮深簸蕩鬪窟窟
 泉出巨魚長比人
 丹砂作尾黃金麟
 豈知異物同精氣
 雖未成龍亦有神

瘦馬行

東郊瘦馬使我傷
 骨骼硤兀如堵墻
 絆之欲動轉歌側
 此

豈有意仍騰驥
 細看六印帶官字

唐令諸掌牧馬小官字印

衆道三

軍遺路傍皮乾剥
 落雜泥滓毛暗蕭
 條連雪霜去歲奔
 波逐餘寇驂騮不
 慣不得將士卒多
 騎內廐馬惆悵恐
 是病乘黃當時歷
 塊誤一蹶委棄非
 汝能周防見人慘
 淡若哀訴失主錯
 莫無晶光天寒遠
 放鴈為伴日暮不
 收鳥啄瘡誰家且
 養願終惠更試明
 年春草長

驄馬行

鄧公馬癖人共知
 初得花驄大宛種
 夙昔傳聞思一見
 牽來左右神皆竦
 雄姿逸態何嶄崿
 顧影驕嘶自矜寵
 隅目青燄夾鏡懸
 肉駮礪上烏罪切下力罪切
 連錢動朝來少試
 華軒下未覺千金
 滿高價赤汗微生
 白雪毛銀鞍却覆
 香羅帕卿家舊賜
 公能取天廐真龍
 此其亞晝洗須騰
 涇渭深夕

趨可刷幽并夜吾聞良驥老始成此馬數年人更驚豈有
四蹄疾於鳥不與八駿俱先鳴時俗造次那得致雲霧晦
冥方降精近聞下詔喧都邑肯使騏驎地上行

高都護驄馬行

安西都護胡青驄聲價歛然來向東此馬臨陣久無敵與
人一心成大功功成惠養隨所致飄飄遠自流沙至雄姿
未受伏捩恩猛氣猶思戰場利蹠促蹄高如培鐵交河幾
蹴曾冰裂五花散作雲蒲身萬里方看汗流血長安壯兒
不敢騎走過掣電傾城知青絲絡頭爲君老何由却出橫
門道

李鄠縣丈人胡馬行

丈人駿馬名胡騮前年避胡過金牛回鞭却走見天子朝

飲漢水暮靈州自矜胡騮音絕代乘出千人萬人愛一聞
說盡急難材轉益愁向駑駘輩頭上銳耳批秋竹脚下高
蹄削寒玉始知神龍別有種不比俗馬空多肉洛陽大道
時再清累日喜得俱東行鳳臆龍鬣未易識側身注目長
風生

惜別行送向卿進奉端午御衣之上都

肅宗昔在靈武城指揮猛將收咸京向公泣血灑行殿佐
佑卿相乾坤平逆胡冥冥隨煙燼卿家兄弟功名震麒麟
閣畫鴻鴈行紫極出入黃金印尚書勲業超千古雄鎮荆
州繼吾祖裁縫雲霧成御衣拜跪題封賀端午向卿將命
寸心赤青山落日江湖白卿到朝廷說老翁漂零已是滄
浪客

花

歎庭前甘菊花

庭前甘菊移時晚青葉重陽不堪摘明日蕭條盡醉醒殘
花爛熳開何益籬邊野外多衆芳采擷細瑣升中堂念茲
空長大枝葉結根失所纏風霜

風雨看舟前落花戲為新句

江上人家桃李枝春寒細雨出踈籬影遭碧水潛勾引風
妬紅花却倒吹吹花困癩旁舟楫水光風力俱相却赤憎
赤憎方輕簿遮言避也為人懷珍重分明不來接濕又飛遲
半欲高縈沙惹草細如毛蜜蜂蝴蝶生情性偷眼蜻蜓避
百勞

木

古栢行

孔明廟前有老栢柯如青銅根如石霜皮溜雨四十圍黛
色叅天二千尺君臣已與時際會樹木猶為人愛惜雲來
氣接巫峽長月出寒通雪山白憶昨路繞錦亭東先主武
侯同闕宮崔嵬枝幹郊原古窈窕丹青戶牖空落落盤踞
雖得地冥冥孤高多烈風扶持自是神明力正直元因造
化功大厦如傾要梁棟萬半回首丘山重不露文章世已
驚未辭翦伐誰能送苦心豈免容螻蟻香葉終經宿鸞鳳
志士幽人莫怨嗟古來材大難為用

海棕行

左綿公館清江濱海棕一株高入雲龍鱗犀甲相錯落蒼
稜白皮十抱文自是衆木亂紛紛海棕焉知身出羣移栽

北辰不可得時有西域胡曾識

寄簡

寄韓諫議

今我不樂思洛陽身欲奮飛病在牀美人娟娟隔秋水濯
足洞庭望八荒鴻飛冥冥日月白青楓赤葉天雨霜玉京
羣帝集北斗或騎麒麟駢鳳凰芙蓉旌旗煙霧樂影動倒
景搖瀟湘星官之君醉瓊漿羽人稀少不在傍似聞昨者
赤松子恐是漢代韓張良昔隨劉氏定長安帷幄未改神
慘傷國家成敗吾豈敢色難腥腐食楓香周南留滯古莫
惜南極老人應壽昌美人胡為隔秋水焉得置之貢玉堂
暮秋枉裴道州手札率爾遣興寄遞呈蘇渙侍御
又客多枉友朋書素書一月凡一東虛名但蒙寒温問泛

愛不救溝壑辱齒落未是無心人舌存耻作窮途哭道州
手札適復至紙長要自三過讀盈把那須滄海珠入懷本
倚崑山玉撥弃潭州百斛酒蕪沒瀟岸千株菊使我晝立
煩兒孫令我夜坐費燈燭憶子初尉永嘉去紅顏白面花
映肉軍符侯印取豈遲紫燕綠耳行甚速聖朝尚飛戰關
塵濟世宜引英俊人黎元愁痛會蘇息夷狄跋扈徒逡巡
授鉞築壇聞意旨頽綱漏網期彌綸郭欽上書見大計劉
毅答詔驚群臣他日更僕語不淺明公論兵氣益振傾壺
蕭管黑白髮舞劒霜雪吹青春宴筵曾語蘇季子後來傑
出雲孫比茅齋定王城郭門藥物楚老漁翁市市北肩輿
每聯袂郭南抱甕亦隱几無數將軍西第成早作丞相東
山起鳥雀苦肥秋粟菽蛟龍欲蟄寒沙水天下鼓角何時

休障前部曲終日死附書與裴因示蘇此生已媿須人扶
致君堯舜付公等早據要路思捐軀

寄裴施州

廊廟之具裴施州宿昔一逢無此流金鐘大鏞在東序冰
壺玉衡縣清秋自從相遇減多病三歲爲客寬邊愁堯有
四岳明至理漢二千石真分憂幾度寄書白鹽北苦寒贈
我青羔裘霜雪回光避錦袖龍蛇動篋蟠銀鈎紫衣使者
辭復命再拜故人謝佳政將老已失子孫憂後來况接才
華盛

投簡成華兩縣諸子

赤縣官曹擁材傑軟裘快馬當冰雪長安苦寒誰獨悲杜
陵野老骨欲折南山豆苗早荒穢青門瓜地新凍裂鄉里

兒童項領成朝廷故舊禮數絕自然棄擲與時異况乃踈
頑臨事拙飢卧動卽向一旬弊裘何止聯百結君不見空
墻日色晚此老無聲淚垂血

君不見簡蘇僕

君不見道邊廢棄池君不見前者摧折桐百年死樹中琴
瑟一斛舊水藏蛟龍丈夫蓋棺事始定君今幸未成老翁
何恨憔悴在山中深山窮谷不可處霹靂魍魎兼狂風

寄岑嘉州

不見故人十年餘不道故人無素書願聞顏色關塞遠豈
意出守江城居外江三峽且相接斗酒新詩終日踈謝眺
每篇堪諷誦馮唐已老聽吹噓泊舫秋夜經春莫伏枕青
楓恨玉除眼前所寄選何物贈子雲安雙鯉魚

送別

送孔巢父謝病歸游江東兼呈李白

巢父棹頭不肯住東將入海隨煙霧詩卷長留天地間釣竿欲拂珊瑚樹深山大澤龍蛇遠春寒野陰風景暮蓬萊織女回雲車指點虛無引歸路自是君身有仙骨世人那得知其故惜君只欲苦死留富貴何如草頭露蔡侯靜者意有餘清夜置酒臨前除罷琴惆悵月照席幾歲寄我空中書南尋禹穴見李白道甫問訊今何如

雜賦

引水

月峽瞿塘雲作頂亂石崢嶸俗無井雲安沽水奴僕悲魚復魚復縣名移居心力省白帝城西萬竹蟠接筒引水喉不乾

人生留滯生理難斗水何直百憂寬

可歎

天上浮雲如白衣斯須改變如蒼狗古往今來共一時人生萬事無不有近者抉眼去其夫河東女兒身姓柳丈夫正色動引經艷城客子王季友羣書萬卷常暗誦孝經一通看在手貧窮老瘦家賣屐好事就之為攜酒豫章太守高帝孫引為賓客敬頗久問道三年未會語小心恐懼閉其口太守得之更不疑人生反覆看亦醜明月無瑕豈容易紫氣鬱鬱猶衝斗時危可仗真豪俊二人得置君側否太守頃者在山南邦人思之比父母王生早曾拜顏色高山之外皆培塿用為羲和天為成用平水土地為厚王也論道阻江湖李也疑丞曠前後死為星辰終不滅致君堯

舜馬肯朽吾輩碌碌飽飯行風后力牧長回首

曲江三章章五句

曲江蕭條秋氣高。芰荷枯折隨風濤。游子空嗟垂二毛。白石素沙亦相蕩。哀鴻獨叫求其曹。

即事非今亦非古。長歌激越梢林莽。比屋豪華固難數。吾人甘作心似灰。弟姪何傷淚如雨。

自斷此生休問天。杜曲幸有桑麻田。故將移住南山邊。短衣匹馬隨李廣。看射猛虎終殘年。

歌

乾元中寓居同谷縣作歌七首

有客有客字子美。白頭亂髮垂過耳。歲拾橡栗隨狙公。天寒日暮山谷裏。中原無書歸不得。手脚凍皴皮肉死。嗚呼

一歌兮歌已哀悲風爲我從天來

長鏡

銜切

長鏡白木柄我生託子以爲命黃精無苗山雪

盛短衣數挽不掩脛此時與子空歸來男呻女吟四壁靜嗚呼二歌兮歌始放閭里爲我色惆悵

有弟有弟在遠方三人各瘦何人彊主別展轉不相見胡塵暗天道路長東飛鴛鴦後鵝鶻安得送我置汝傍嗚呼

三歌兮歌三發汝歸何處收兄骨

有妹有妹在鍾離良人早歿諸孤癡長淮浪高蛟龍怒十年不見來何時扁舟欲往箭滿眼杳杳南國多旌旗嗚呼

四歌兮歌四奏林猿爲我啼青晝

四山多風溪水急寒雨颯颯枯樹濕黃蒿古城雲不開白狐跳梁黃狐立我生胡爲在窮谷中夜起坐萬感集嗚呼

五歌兮歌正長竟招不來歸故鄉

南有龍兮在山湫湫龍潭也古木龍從枝相樛木葉黃落龍正

蟄蝮蛇東來水上游我行恠此安敢出拔劍欲斬且復休

嗚呼六歌兮歌思遲溪壑爲我回春姿

男兒生不成名身已老三年飢走荒山道長安卿相多少

年富貴應須致身早山中儒生舊相識但話宿昔傷懷抱

嗚呼七歌兮情終曲仰視皇天白日速

戲贈闕鄉秦少府短歌

去年行宮當太白朝回君是同舍客同心不減骨肉親每
語見許文章伯今日時清兩京道相逢苦覺人情好昨夜
邀懽樂更無多少依舊能潦倒

偏側行贈畢曜

偏側何偏側我居巷南子巷北可恨鄰里間十日不一見
顏色自從官馬送還官行路難行澀如棘我貧無乘非無
足昔者相遇今不得實不是愛微軀又非關足無力徒步
翻愁官長怒此心炯炯君應識曉來急雨春風顛睡美不
聞鐘鼓傳東家蹇驢許借我泥滑不敢騎朝天已令請急
會通籍男兒性命絕可憐焉能終日心拳拳憶君誦詩神
凜然辛夷始花亦已落况我與子非壯年街頭酒價常苦
貴方外酒徒稀醉眠速宜相就飲一斗恰有三百青銅錢

錦樹行

今日苦短昨日休歲云暮矣增離憂霜凋碧樹作錦樹萬
壑東逝無停留荒戍之城石色古東郭老人住青丘飛書
白帝營斗粟琴瑟几杖柴門幽青草萋萋盡枯死天馬跛

是隨鼂牛自古聖賢多薄命姦雄惡少皆封侯故國三年
一消息終南渭水寒悠悠五陵豪貴反顛倒鄉里小兒狐
白裘生男墮地要膂力生女富貴傾邦國莫愁父母少黃
金天下風塵兒亦得

嚴氏溪放歌

天下甲兵未盡銷豈免溝壑常漂漂劍南歲月不可度邊
頭公卿仍獨騎費心姑息是一役肥肉大酒徒相要嗚呼
古人已糞土獨覺志士甘漁樵况我飄轉無定所終日感
感忍羈旅秋宿霜溪素月高喜得與子長夜語東遊西還
力實倦從此將身更何許知子松根長茯苓遲暮有意來
同煮

惜別行送劉僕射判官

聞道南行市駿馬不限匹數軍中須襄陽幕府天下異主
將儉省憂艱虞祇收壯健勝鐵甲豈因格鬪求龍駒而今
西北自反胡騏驎蕩盡一匹無龍旗真種在帝都子孫未
落西南隅向非戎事備征伐君肯辛苦越江湖江湖凡馬
多顛顛衣冠往往乘寒驢梁公富貴於身踈號令明白人
安居俸錢時散士子盡府庫不爲驕豪屈以茲報主寸心
赤氣却西戎回北狄羅網羣馬籍馬多氣在驅除出金帛
劉侯奉使光推擇滔滔才畧滄溟窄杜陵老翁秋繫船扶
病相識長沙驛強梳白髮提胡盧手把菊花路傍摘九州
兵革浩茫茫三歎聚散臨重陽當杯對客忍流涕不覺老
夫神內傷

醉歌行贈公顏少府請顧八題壁

神仙中人不易得。顏氏之子才孤標。天馬長鳴待駕馭。秋鷹整翮當雲霄。君不見東吳顧文學。君不見西漢杜陵老。詩家筆勢君不嫌。詞翰升堂爲君掃。是日霜風凍七澤。烏蠻落照銜赤壁。酒酣耳熱忘頭白。感君意氣無所惜。一爲歌行歌主客。

白絲行

綠絲須長不須白。越羅蜀錦金粟尺。象牀玉手亂殷紅。萬草千花動凝碧。已悲素質隨時染。裂下鳴機色相射。美人細意熨貼平。裁縫滅盡針線跡。春天衣著爲君舞。蛟蝶飛來黃鸝語。落絮遊絲亦有情。隨風照日宜輕舉。香汗清塵污顏色。開新合故置何許。君不見才士汲引難。恐懼棄捐忍羈旅。

百憂集行

憶年十五心尚孩。健如黃犢走復來。庭前八月梨棗熟。一日上樹能千回。即今倏忽已五十。坐臥只多少。行立強將笑語供。主人悲見生涯百憂集。入門依舊四壁空。老妻覩我顏色同。癡兒未知父子禮。叫怒索飯啼門東。

莫相疑行

男兒生無所成頭皓白。牙齒欲落真可惜。憶獻三賦蓬萊宮。自恠一日聲輝赫。集賢學士如堵墻。觀我落筆中書堂。往時文彩動人主。此日飢寒趨路傍。晚將末契託年少。當面輸心背面笑。寄謝悠悠世上兒。不爭好惡莫相疑。

短歌行贈王卽司直

王卽酒酣拔劍斫地歌。莫哀我能拔爾抑塞磊落之奇才。

豫章翻風白日動鯨魚跋浪滄溟開且脫劍佩休徘徊西
得諸侯掉錦水欲向何門跋珠履仲宣樓頭春色深青眼
高歌望吾子眼中之人吾老矣

赤霄行

孔雀未知牛有角渴飲寒泉逢舐觸赤霄玄圃須往來翠
尾金花不辭辱江中淘河嚇飛燕銜泥却落羞華屋皇孫
猶曾蓮勺困衛莊見貶傷其足老翁慎莫恠少年葛亮貴
和書有篇丈夫垂名動萬年記憶細故非高賢

去矣行

君不見韉上鷹一飽則飛掣馬能作堂上燕銜泥附炎熱
野人曠蕩無面顏豈可久在王侯間未試囊中食玉法明
朝且入藍田山

貧交行

翻手作雲覆手雨紛紛輕薄何須數君不見管鮑貧時交
此道今人棄如土

虎牙行

秋風歛吸吹南國天地慘慘無顏色洞庭揚波江漢回虎
牙銅柱皆傾側巫峽陰岑朔漠氣峰巒窈窕溪谷黑杜鵑
不來猿狖寒山鬼幽憂雪霜逼楚老長嗟憶炎瘴三尺角
弓兩斛力壁立石城橫塞起金錯旌竿滿雲直漁陽突騎
獵青丘犬戎鎖甲聞丹極八荒十年防盜賊征戍誅求寡
妻哭遠客中宵淚霑臆

負薪行

夔州處女髮半華四五十無夫家更遭喪亂嫁不售一

生抱恨堪咨嗟土風坐男使女立應當門戶女出入十猶
八九負薪歸賣薪得錢應供給至老雙鬢只垂頸野花山
葉銀釵並筋力登危集市門死生射利兼鹽井面粧首飾
雜啼痕地褊衣寒困石根若道巫山女粗醜何得此有昭
君村

最能行

峽中丈夫絕輕死少在公門多在水富豪有錢駕大舸貧
窮取給行艤子小兒學問止論語大兒結束隨商旅歎帆
側柁入波濤撇旋捎瀆無險阻朝發白帝暮江陵頃來目
擊信有微瞿塘漫天虎鬚怒歸州長年與最能此鄉之人
氣量窄悞競南風踈北客若道士無英俊才何得山有屈
原宅

相從行贈嚴二別駕時方經崔旰之亂

我行入東川十步一回首成都亂罷氣蕭瑟浣花草堂亦
何有梓州豪俊大者誰本州從事知名久把臂開樽飲我
酒酒酣擊劍蛟龍吼烏帽拂塵上青螺粟紫衣將炙緋衣走
銅盤燒蠟光吐日夜如何其初促膝黃昏始扣主人門誰
謂俄頃膠在漆萬事盡付形骸外百年未見歡娛畢神傾
意豁真佳士久客多憂今愈疾高視乾坤又可愁一軀交
態同悠悠垂老遇君未恨晚似君須向古人求

短歌行送邛州錄事歸合州因寄蘇使君

前者途中一相見人事今年記君面後生相勸何寂寥君
有長才不貧賤君今起柁春江流余亦沙邊具小舟幸爲
達書賢府主江花未盡會江樓

王漁洋先生批

六月初八日抄

唐李杜詩集卷之十二

杜集

律